

हंसलो मित्र कोनी थारो

हंसलो मित्र कोनी थारो ए भोली काया
तू जाणे काया में ठग राख्यो
यो हंसलो आप ठगोरो ए

अमर लोक से आयो म्हारो हंसलो
यो आयो अखन कंवारो
इ हंसले न ब्याह रचायो
यो ही है पिव तिहारो ए भोली काया

काढ र ल्याई कढाय कर ल्याई
फिर फिर ल्याई र उधारो
इ हंसले न कदे न भूखो राख्यो
सूप दियो घर सारों ए भोली काया

जळ गया तेल बुझ गयी बतिया
मन्दरिया म भयो अंधियारो
ले दिवलो म घर घर डोली
मिल्यो कोनी तेल उधारो ए भोली काया

दो दिन या चार दिन को पावणों
यो लाद चलयो बिणजारो
तू कहे हंसा संग चलूंगा
छोड़ चलयो मझधारो ए भोली काया

उड़ गया हंस या टूट गयी टाटी तो
माटी म मिल गयो गारो
कहत कबीर सुणो भाई साधू
निकल गयो बोलण हारो ए भोली काया
हंसलो मित्र कोनी थारो॥

<https://www.bhajanganga.com/bhajan/lyrics/id/2612/title/haslo-mitar-koni-thro-eh-bholi-kaya-tu-jane-kaya-me-thag-rakhiyo->

अपने Android मोबाइल पर [BhajanGanga](#) App डाउनलोड करें और भजनों का आनंद ले |